欽 定 全 唐

|--|

欽定全唐				and the second		唐
欽定全唐文人卷六百七十八					1	唐江州與果寺律大德湊公塔碣銘
八日蘇						年大德涛公
					,	<b>塔碣銘</b> 并序
	•.				-	

六萬九千五百五言證無生忍造不二門住不可思議解 欽定全唐文 卷六百七十八 白居易 見以了義度無邊以圓教垂無窮莫尊於妙法蓮華經凡 脱臭極於維摩詰經凡二萬七千九十二言攝四生九類 經典自經品衆佛號以降字加金馬夫開士悟入諸佛知 西若干步寺在蘇州城北若干里以華言唐文譯刻釋氏 碑在石壁東次石壁在廣德法華院西南隅院在重元寺 欽定全唐文卷六百七十八 白居易二十三 蕪州重元寺法華院石壁經碑文

音普賢菩薩法行經凡六千九百九十言詮自性認本覺 佛之秘藏盡矣是石壁積四重高三尋長十有五大厚足 莫深於實相法蜜經凡三千一百五言空法塵依佛智莫 疾於阿彌随經凡一千八百言用正見觀真相莫出於觀 九千二百八十七言禳罪集福淨一切惡道莫急於佛頂 入無餘涅槃實無得度者莫先於金剛般若波羅蜜經 過於般若波羅蜜多心經凡二百五十八言是八種經具 尊勝陀羅尼經凡三千二十言應念順願願生極樂土莫 一部合一十一萬六千八百五十七言三乘之要旨萬

欽定全唐文人卷六百七十八 慶二年冬作太和三年春成律德沙門清晃矢厥謀清海 若字金其功不朽其義甚深故吾謂石經功德契如來付 剝膚為紙即壞即滅如筆畫水噫畫水不若文石印蠟不 燒漂風日不能搖消所謂施無上法盡未來際者也唐長 葉上藏檀龕中非堅非久如蠟印空假使有人刺血為墨 佛涅槃後世界空虚惟是經典與衆生俱設復有人書具 繼厥志門弟子南容成之道則終之寺僧契元拾藝而晝 有咫有石連數覆其上下有石神固護其前後火水不能 都守居易施詞而讚之讚曰 白居易

屬之心 長安修行里第是歲五月二十五日歸附於鳳鄉某縣某 討使濟外舅也長慶元年二月二十三日夜無疾即世於 陳許節度禮部尚書遜兄也渭源縣君房氏妻也容管招 雅州别駕贈禮部尚書震考也贈博陵郡太君崔氏此也 唐有善人日李公公名建字杓直隴西人魏將軍申公發 公十五代祖也周柱國陽平公遠六代祖也綏州刺史明 祖也太子中允進德曾祖也綿州昌明令珍玉大父也 有唐善人墓碑鉛并序

欽定全唐文《卷六百七十八 人者何公初孤孝養太君太君老疾常日接子勸吾食吾 士郎州防禦副使轉運判官知制點吏部選事階中大夫 郎中知制誥太原白居易作墓碑大署其碑曰善人墓善 數上柱國爵隴西縣開國男有史官起居郎渤海高錢作 吏部員外郎兵部吏部郎中京兆少尹灃州刺史太常少 公官歷校書郎左拾遺詹府司直殿中侍御史比部兵部 鄉某原之先些春秋五十八有二女五男曰納朴恪慰碩 行狀翰林學士中書舍人河南元稹作墓誌有尚書主客 卿禮部刑部侍郎工部尚書職悉容州招討判官翰林學 白居易

得無停年又省成勞急成狀限縣是吏史單無緣為姦讫 事者作謬官詩以諷為吏部郎時調文學科監吏課高者 副在鄜時有非類者至以病去為御史時上任有過其行 德宗皇帝擢居翰林翰林時以視草不說隨退官詹府詹 府時以貞恬自處不出戸軌逾月郡的路怨高之拜請為 文業成與兄遜起應進士俱中第為校書時以文行開故 鄉人不指府縣皆相率曰往問李君公養有餘力讀書屬 首縣其居數百家凡爭關稍稍就公決公隨而評之寖及 朝飽 勸吾樂吾意其疾瘳後子公小字也及長居荆州石

告改少尹少尹時與大議歲減府稅錢十三萬在澧時一 譽不信毀公為人質良寬大體與用綽然有餘裕為政亷 善喜佛書不食肉公不忍違其志亦終身疏食自八九歲 今選部用其法知制語時筆削閒有以自是不屈者因請 居家非衣食厚賓客敬兄娘禮妻子愛甥姪初先太君好 平易簡不求赫赫名與人交外淡中堅接士多可而有别 鞭人不名吏居歲餘人人自化在禮部時由文取士不聽 大臣を与としてという日上 白居易 稱賢薦能未當倦好議論而無口過遠邪諛而不忤物其 時始諷詩書日三百言諷畢盡得其義善理王氏易左氏

無知乎君之名與此石俱 識者惜識者嘆交遊出涕執友慟哭夫如是其善人乎傳 稱難乎哉獨加於公無愧焉銘曰 坐疏與梁肅書上宰相論選事狀秉筆者許之薨之日不 枝葉其卓然者有詹事府司直比部員外即廳記請雙 日善人國之紀也語日善人吾不得而見之矣噫善人 者墓有表表有云顯其行省其文故季札死仲足表其 秋前後著文凡一一作百五十二首皆理義撮要詞 日君子令吾丧李君署其碑曰善人嗚呼李君有知

於將來世故其文不避繁銘曰 既殁後予出守南賓郡遠託誤述迨今而成嗚呼斯文豈 不得動不得忘動即近執者忘即落無明其心要云爾師 之徒殆干餘達者三十九人其入室受道者有義崇有圓 つれ」とは、 直起師教然門弟子心哉抑且志吾受然燈記記靈山會 鏡以先師常辱與子言知子當醍醐嗅薦蔔者有日矣師 曰凡夫無明二乘執者離此二病是名貞修貞一 一印付迦葉至師五十有九葉故名師堂爲傳法 故湖州長城縣令贈戸部侍郎博陵崔府君神 ALIJATION ! 白居易

實末盜起燕薊毒流梁宋屠城殺更如火燎原單父之民 姜姓豎周封齊分類曰崔氏長源遠派大族清門珪組賢 將墜塗炭公感激奮發仗順與兵挫敗賊徒保全鄉縣等 太廟齋郎初調授汝州業縣尉再調改宋州單父尉時天 侍諱洽公六代祖也唐冀州武强令諱紹曾祖也監察御 史諱預王父也常州江陰令育皇考也公幼以門陰子 俊準絕濟美斯崔氏所以綿干配而甲百族也隋散騎常 公諱孚字某古太嶽允也今博陵人也唐虞之際因生為 部分全建文 卷六百七十八 道碑銘并序

次定全事之 人长六年七十 白居易 城尉事舉移假連水令賞維魚袋縣政修轉常州錄事參 悦歲未滿浙西採訪使知之奏改湖州長城令長城之 湯一方本道節度使奇之將議上聞會有同事者爭功陰 身與元元年疾殁於宋太和五年遷葬於洛享年若干詔 軍糺緊課賦浙東採訪使聞之奏授越州餘姚令吏畏人 勇之徒歸之如雲方欲紀合雜虎歐誅地豕京觀羣盗 又加於前二色馬政成秩滿解印罷去優游自得獨善 相傾奪公超然脱屣遂以族行東游江淮安時俟命屬吳 一出閣領鎮求才撫人常聞公名試以吏事遂表請為宋

程公何不足之有按國典官五品以上 **婵燿邦家不當其身而得於後父析子荷相去幾何嗚呼** 學發身以文飾吏以幹鹽克家以忠壯許國典十 貴也公為人儀表魁梧氣概倜儻負不羈之才慕非常之 贈尚書戶部侍郎夫人隴西李氏追封岐國夫人皆從子 位不達善慶所積實生司空司空諱宏禮公之幼子也以 功始發刺於單父志立而功不就終稅駕於長城道行 再釐東土追命上公雖天與之才國與之位亦由公義 輔而成焉大丈夫貯蓄材術樹置功利鐵 郡領 鉄富貴

躬行古風才高位下步潤塗窮竟戢羽翮不展心智天道 天無全功賢無全福旣享天爵難兼世禄矯矯崔公道積 欽定全唐文、卷六百七十八 厥躬大志長畧卷於懷中黃綬過冦思奮奇功銅印字 **有知善積炭鍾昭哉報施其在司空** 王建侯侯建廟廟有器器有銘所以論誤先德明著後 葬命凡諸贈官得同正官之制其孫彦防彦佐等奉公 祖德揭石於墓勒銘於碑銘曰 南節度使檢校尚書右僕射趙郡李公家廟碑 开序 白居易 九

或書於鼎或文於碑古今之通制也維開成某年某月某 常祀於是得請於天子承式於有司是歲某月某日經始 守六代祖顯達隋顏州刺史五代祖遷皇朝宜穀二州別 於東都明年某月某日有事於新廟外盡其物內盡其志 紫金魚袋趙郡李公齊沐祗慄拜章上言請立先廟以奉 三獻百順神格禮成其友居易以李氏宗祖世家名爵與 日宣武軍節度使檢校尚書右僕射汴州刺史上柱國賜 射志行官業書於麗性之碑謹按家客九代祖善權後 郡守八代祖延觀徐梁二州刺史七代祖續其郡太

中書令宏文館大學士監修國史封趙國公諡曰文憲上 火毛を与し、長いココト 之邑有善政辭滿之日多遺愛不登貴仕其命矣夫今祭 駕贈德州刺史高祖孝卿右散騎常侍贈鄧州刺史曾祖 氏配焉王父府君諱守一 府君爲人篇於家行飾以吏事動有常度居無情容所在 智職業載在國史今祭於第一室以此薊國夫人范陽盧 府君諱敬元總章儀鳳間歷吏部尚書同中書門下三品 夫人鄭氏配焉先考府君諱晤歷金壇烏程晉陵三縣令 )與時浮沉終成都府耶縣令今祭於第二室以此滎陽 一屬世難家徙不求聞達避榮樂 白居易

字公垂六歲丁晉陵府君憂孺慕號踊如成人禮九歲終 人裴氏無子早卒洎叔父兄妹之殯咸未歸祔各處一方 侍親之疾冠帶不解者三載餘可知也執親之喪水漿不 制孝養上谷太夫人年雖幼承順無違家雖貧甘旨無闕 於第三室以先此上谷夫人范陽盧氏配焉府君累贈至 尚書右僕射夫人累贈至上谷郡太夫人前後凡三追命 成善積於躬道屈於位儲祉流慶而僕射生焉僕射名 八告身渥澤疊洽自葉流根從子貴也耶縣暨晉陵府君 口者五日餘可知也先是祖妣考妣晉陵府君前娶夫

違至誠感神有靈烏瑞芝之應事動鄉里名聞公卿言孝 動將戮辱者數四就幽囚者七旬誠貫神明有死無二言 友者以為表率憲宗嗣統三年李錡盗據京口公居無錫 孝文行召入翰林特授司封員外郎知制語遷中書舍 名節者以為準程朝廷嘉之拜右拾遺蔵餘穆宗知公忠 會裡第東歸鉤聞公名署職引用初詢以謀畫結舌不對 公在斬衰中親護九喪匍匐萬里及其 次强以章檄絕筆不書誘之以厚利不從迫之以淫刑不 **承顏造膝知無不言獻替啟沃如石投水俄拜御史中丞** 白居易 期 作 襄事禮無

華弊為急故有摘姦扶霸之威文宗知公全才以汴難一 習生常公旣下車盡知情偽刑賞信惠合以爲用一年而 欽定全唐文 卷六百七十八 乃授鉄鉞俾鎮綏之初宣武師人驕强很悍祖亂徼利積 康察浙右以分憂為功故有邱鄰活殍之惠尹正河洛以 方所居公化卧理二郡以去害為先故有盜奔獸依之感 要佐潯陽旋爲滁壽二州刺史大凡公之爲政也應用無 和撫之五年人俗歸厚至於捍大患禦大災却飛蝗遏暴 戸部侍郎旣而望屬台衡朝當晏駕時移世變遂出椽高 下懲勸二年而下服畏三年而下恥格肅然不變薰然

欽定全唐文 卷六百七十八 白居易 門不擊林里巷無犬吠從容五日按節而東百姓三軍擊 水致歲於豐稔免人於墊湖噫微公之力汁之民其為種 公作帥不足以長束諸侯制加銀青光禄大夫揚州長史 平其為魚斗殊績尤課不可具舉天下征鎮淮海為大非 又推赤心置人腹中者則安能化暴戾之俗一至於此乎 亞漿棒節 聽道攀錢者動以萬輩皆嗚咽流涕如嬰兒 淮南諸道節度觀察等使餘如故詔下之日出次於外軍 西人泣送東人歌迎梁楚千里風變化移膏雨景星所 別慈母焉噫若非福榜之惠及其幼雞豚之養及其老

中書孝孫追遠昭穆有初顯顯中室王父即令順孫祇享 盡殼盡敬肅肅東室先考晉陵嗣子奉薦孝思蒸蒸嗣子 祭祀從貴爵土有秩諸侯之廟一官三室皇皇西室皇祖 利惠乎人以黻冕貴乎身以宗廟顯乎親以孝敬交乎神 蒙福於時開成會昌之際上方致理公未登庸熙熙蒼生 孝矣故其碑銘曰 環望而已盛矣哉大丈夫生於世也以忠貞奉乎君以義 宜其荷百禄輔一德為有唐之宗臣者數君子謂李氏之 廟也休哉公之祭也順哉然曰有孫如此有子如此可謂

次定合居之 人 吳下丁七十 白居易 載膺休命載踐右職以孝肥家以忠肥國乃授侯伯纛鉞 人乎吾友具君從事於斯矣君諱丹字真存太子通事舍 **旂戟乃饗祖禰牡牢黍稷家聲振耀國典褒飾六命嶽章** 汨市朝溺妻子非達也因山林擯血屬亦非達也若有人 不伊吕水其心雲其身浮沈消息無往而不自得者非 與羣動處一代間被為被我為我不自潔不自污不巢許 其誰僕射公垂公垂翼翼齊嚴諒直為子為臣有典有則 一世血食光大遺訓顯揚先德子孫承之垂裕無極 故饒州刺史吳府君神道碑銘并序

官浙西道節度判官潼關防禦判官鎮州宣慰副使 監察殿中侍御史太子舍人水部庫部員外郎都官駕 郎中諫議大夫大理少鄉饒州刺史職歷義成軍節度 多ケノニテントオンでノーノ 葬於常州晉陵縣仁和鄉北原從遺志也君生四五歲弄 言實歷元年六月某日薨於饒州官次其年十一 壓函使陷至中大夫敷至上 人覽之曾孫睦州司馬族之孫太子宫門郎贈工部尚書 泥沙時所作戲輒象道家法事八九歲弄筆硯時所出言 作之長子以進士第入官歷正字協律郎大理評事 一柱國讀書數干卷著文數萬 一月某

喜道書奉真簽每專氣入静不粒食者界歲類氣充而丹 嗷嗷慄慄不忍見其饑寒慨然有干祿意乃曰肥遁不可 育德凍餒不可以安道吾將强學以徇禄禄位不可以多 田澤飄然有出世心旣壯在家為長屬有三幼弟八稚姪 火巨七年七 人 とか百七十八 灣平自處與太和始終履仕途二十七年享壽命八十二 得禄身荣家給之外無長物無越思素琴在左黄庭在右 取吾將知足而守中縣是去江湖來京師求名得名求禄 以立訓吾將業儒以馳名名競不可以恬神吾將體元以 **輒類詩家篇章不自知其然蓋宿習儒元之業明矣弱冠** 白居易

戚其心至於歸全反真故予所謂達人之徒數信矣仲弟 歲無室家界無子孫憂屈伸籠辱委順而已未當一 其皆達者乎 存先生白樂天知之作神道銘嗚呼二大夫異代而同途 漢中大夫東方曼情夏侯湛高之作廟貌讚唐中大夫真 湖 知初終託為碑記噫先生之道吾能引古以明之銘 州長史某以子辱與其兄遊旣為同門生又為同合即 唐 故通議大夫和州刺史具郡張公神道碑銘并 序 日戚

以降勲賢軒晃思代不乏肱避地渡江始居於呉故其子 張之為著姓尚矣自漢太傅良侍中肱晉司空華丞相嘉 曾孫裕在宋為司徒即公五代祖也司徒之孫傷在隋 孫稱吳郡人嘉以孝悌聞於郡故其所居號孝張里嘉之 呉郡都督即公曾王父也台州臨海令諱鹍即公之大父 欽定全唐文人卷六百七十八 學能屬文從鄉試登明經第應制舉中精通經史科補宏 也袁州司馬諱孝續即公皇考也或以人物著或以閥閱 **廬於墓畫號而夜泣者三年矣有靈芝醴泉出焉旣冠好** 稱迄今為江南右族公諱擇字無擇未冠丁袁州府君憂 白居易 盂

後詰偽 清白奏授懷州獲嘉令在獲嘉以不站柔得人心以不 尋改太原府功曹参軍給事中張昶為江淮安撫使表公 剛 正直奏署郡從事吏部尚書陸象先為河東按察使狀 其罪露章奏之章下丞相府丞相姚元之奇之致書褒美 錄事參軍絡之郡丞有主壻者怙罷侮法豪奪人利公數 之人服其明會劉幽求來為刺史舉課上聞韶授終 館 得罪繇是左遷鄂州司馬移深 校書郎調左金吾錄事換杭州錄事參軍在杭州前 制補吏者三十八人駁假年侍老者二十人舉 司馬轉號州長史時 而

害農公請蠲穀籍之損者什七八時李知柔為本道採訪 刺史公之在郡奉詔條邱人隱而已不知其他無何水潦 使素不快公之明直密疏証奏以附下為名遂貶蘇州别 上方思理認求二千石之良者時字以公塞認擢拜和州 李原享年八十三寬公生天地間八十有三年可謂壽矣 都利仁里私第其年二月十二日葬於河南府伊闕縣中 钦定全喜文 卷六百七十八 白居易 其間當明皇帝馭天下四十有五年可謂時矣有其才得 歲餘謝病歸老於家天寶十三載正月二十一日終於東 為老幼攀泣而遊道者數百人信宿方得去移曹州别駕

公之諒直常為李色張庭珪稱之公之政事又為劉姚張 其壽逢其時然職不過陪臣秋僅至郡守凡所貯蓄鬱而 某月某日平叔奉祖德揭而碑之居易據家狀序而銘之 之而有餘厄窮不振以至沒齒嗚呼其命也夫古人云道 陸推之夫以八君子之力援之而不足以一知柔之力排 道信昭昭矣不在其身則在子孫相去幾何哉長慶二年 行開於時公之孫戸部侍郎平叔以才位光於國報施之 不舒嗚呼其命也夫公之文學常為賀知章賈彦璿許之 不虚行又云其後必有達者故公之子大理評事誠以節

遇而我不遇時勿謂已矣天錫多祉旣賢其子以濟其美 有木有木碩大而長破為桷代不作棟梁有驥有驥規行 有唐鎮南觀察推官試大理評事吳郡張公大歷三年 矩步辱在短轅不属大輅嗚呼噫嘻公亦如之將時不 李原春秋五十五元和十三年詔贈主客員外郎明年贈 又才其孫以大其門尚無先德孰啟後昆 其詞曰 月八日終於伊川别墅五年八月七日葬於伊闕縣中 唐贈尚書工部侍郎吳郡張公神道碑銘并序 司马马

立神道碑太原白居易文其碑云公諱誠。作字老來吳 欽定全唐文卷六百七十八 判度支上柱國賜紫金魚袋平叔以長慶二年某月某 經中第及調判入高等授蘇州長洲尉秩滿丁先府君憂 郡人父諱無擇和州刺史祖諱孝績袁州司馬由高曾而 太常少卿又明年贈尚書工部侍郎夫人具郡陸氏貞元 既禪又丁先太夫人憂泣血六年哀毀過禮以方寸再亂 太君又封呉郡太夫人嗣子通議大夫守尚書戸部侍郎 一世德世禄城在和州府君碑內此不書公年十八以通 年三年某月其日終於其所春秋六十六追封嘉與縣

欽定全唐文、卷六百七十八 白居易 不得已而復起選授左武衛騎曹一作多軍分司東都屬 之一年襁負至二年汗來關三年衣食足及解印去縣民 山谷者伯連得六人以應部而公與異在馬縣是名節聞 所行及肅宗嗣位詔河南尹薛伯連搜訪不仕賊庭隱藏 盧異潛遁於陸渾山食木實飲泉水者二年花不為逆命 安禄山陷覆洛京以偽職淫刑會刦士既公與同官范陽 遷宋州碭山縣令時雅陽當大兵後野無草里無人公撫 於朝野君子以為知道優詔褒美特授密縣主簿未周歲 殆無宦情旣除喪退居不調者累年而親友以大義敦責

常自負其才不後於人自疑其命不偶於世及將去碭山 賢殿學士善經之女賢明有法度初公既殁諸子尚幼去 相率泣而做之君子以為知政領南節度觀察使李勉偉 而反伊川也頓駕搦管沈嘆久之因賦該懷詩云論成方 人也既高公陸渾之節又美公碭山之政欲以名職禮命 命公有三子曰平仲平叔平季夫人陸氏即國子司業集 起而大之遂奏授試大理評事充觀察推官及除書簡牒 辨命賦罷即歸田竟如是言終於衡等之下君子以為知 到門即公捐館舍之明日也才如是命如是嗚呼哀哉公

次完全甚文 长六百七十 白居易 者兼之可謂具美休哉 州名德如彼後有戸部才位若此才子之父名父之子賢 椅嗟碭山以文行保家聲以義節振時名以惠政撫縣民 遊而知其家事故見託撰述庶傳信焉銘曰 志擇其子而付之故平叔卒能振才業致名位追爵命揭 善教誘之德浸漬而成就之不其然乎居易常辱與戸部 碑表繼父志揚祖德此誠孝子順孫之道也亦由夫人慈 而職不登諸侯卿秩不及廷尉評悲哉猗嗟碭山前有和 八勒求衣食親執詩書諷而導之成為今子又常以公遺 是

講座乃登戒壇元和元年衆請充當寺上座明年官補 九從泗洲靈穆律師受具戒五夏通四分律俱舍論乃升 郡鄭人世姓暴氏僧號明遠七歲依本郡霈禪師出家上 羅漢僧或菩薩僧在在處處出為上首佛道未喪閒生其 婆娑世界中有釋迦如來出為上首如來滅後像法中或 人故泗洲開元寺臨壇律德大師實一方上首也大師譙 金グとよう ラフーニン 州僧正統十二部開元寺北地二百步作講堂七間 大唐泗洲開元寺臨壇律德徐泗豪三州僧正 遠大師塔碑銘并序

欽定全唐文《卷六百七六 慶五年春作太和元年秋成輪與莊嚴星環基布如自地 置戒壇因其施利廓其規度侍中又以家財萬計助而成 問植松杉楠捏槍一萬本由是僧與民無墊獨惠旋屬災 等謀於沙湖西隙地創避水僧坊建門廊廳堂厨廏二百 院六所又淮泗間地早多雨潦藏有水害師與郡守蘇遇 有緣遂合願叶力再造寺宇乃請師為三郡僧正奏乞連 焚本寺寺藏像滅僧潰者數年 師與徐州節度使王侍中 之自殿閣堂亭廊庖廩藏泊僧徒臧獲傭保馬牛之舍凡 二千若干百十間其中像設之儀器用之具一無闕者長 白居易

所謂我減後我法傳授於弟子屬於大臣斯言信矣師以 舉若非大師於福智僧中而得第一若非侍中於敬修 太和八年十二月十九日蘇時終於本寺本院是月二十 中亦為第 觀於是增上慢者起敬種善根者發心利喜饒益巨能具 西埤塔遊本教而奉先志也報年七十僧臘五十有一 踊若從天降供施無虚日鐘梵有常聲四衆知歸萬人改 家訖於遷化志業行願道力化緣引而伸之隨日廣 日道俗衆萬輩恭敬悲泣備涅槃威儀遷全身歸於湖 則安能作大佛事而中與像教者乎故如來

前後臨戒擅者八登律座者十有五僧尼得度者三萬象 知之初大師以功德爲心旣成而化侍中以誤錄見託未 象有僧尼承教於佛得度於師宣傳戒藏振起律儀四十 就而處今按弟子僧元亮素行狀序而銘之嗚呼所以滿 江淮行化者四十年或疑是人如來所使羅漢菩薩吾焉 次定全事文 长六百七十八 餘載勤而行之福德如空不可思議緣合而來功成而去 大師之願終侍中之志也銘曰 大願像法是宏塔廟是建佛人交接兩得相見法有毗尼 地踊塔多實示現險路化城導師方便緊我大師亦有 白居易 邑

受具戒於惠尊律師學心法於惟忠禪師忠一名南印 第六祖之法曾孫也大師祖達摩宗神會而父事印其教 戀慕 説斷滅破計者而不壞假名師旣得之揭以行化出蜀 洛與俗人有緣用 之大旨以如然不動為體以妙然不空為用示真寂而不 知性不動色身無住示有遷化非實減度表塔勒銘門 大師號神照姓張氏蜀州青城人也始出家於智疑法師 グインカーニララコーニノ 唐東都奉國寺禪德大師照公塔銘并序 作開六壇僅三十載隨根說法言下 RIV

多悟由是裂疑網拔感箭漸離我人相者日日有馬起正 塔馬示不忘其本也其諸升堂入室得心要口訣者有宗 院上首弟子沙門清閒糾門徒合財施與服勤弟子志行 次年上与と一人というとして 等營度喪事卜兆於寶應寺荷澤祖師塔東若干步室而 船失粤以開成三年冬十二月示減於奉國寺禪院以是 乎生死海中師為船師乎嗚呼病未盡而醫去海方涉而 而增上者不可勝紀夫如是可不謂煩惱病中師為醫王 信見本覺頓發菩提心者時時有馬其餘退惡進善隨分 月遷葬於龍門山報年六十三僧夏四十四明年傳教主 白居易

實在裹復嚴在洛道益在鎮知遠在徐曰建在晉道光在 伊之西北洛之南東法祖法孫歸全於中舊塔會公新塔 聞法門人結菩提之緣甚熟請於塔石序而銘曰 鳴吼龍泉跳蹋斯皆吾師之教力也不其盛數眾以余黍 經在蔡智全景元紹明在秦各於一方分作佛事咸鼓鐘 潤道威在路雲真在慈一 照公亦如世禮耐於本宗 台グルートラーオフェイーノ 唐撫州景雲寺故律大德上宏和尚石塔碑銘并 序 作雲表在汴歸忍在越會幽齊

我聞竺乾古先生出世法法要有三曰戒定慧戒生定定 請始從之旣而僧反山衆反聚落錢反施者 餘人俱實持故景雲大德宏公行狀一 作石墳成復來請會有病不果十三年冬作石塔成又來 潯陽府請司馬白居易作先師碑會有故不果十二年夏 至柔音諸智則智明雲皋太易等凡二十輩與白黑東五 元和十一年春廬山東林寺僧道深懷縱如建沖契宗 文就明年而碑立其詞云爾 |慧慧生八萬四千法門是三者迭爲用若次第言則定 一日香島 通費錢十萬來詣 寺府翌日而

姓饒氏曾祖君雅祖公悦父和一 滿猶夢果也無根求茂猶揠苗也雖佛以一切種智攝 為慧因戒為定根定根植則苗茂慧因樹則果滿無因求 一銀定全虐文 光六百七十八 其所由生故大歷中不去父母之邦請隸於本州景雲寺 生二十五一作歲立菩提願從南嶽大園大師受具戒樂 有知故生十五歲發出家心始從舅氏剃落壯而有立故 滅有南山大師得之南山滅有景雲大師得之師諱上 界必先用戒菩薩以六波羅蜜化四生不能拾律律之用 可思量不可思量如來十弟子中稱優波離善持律波雅 一作恭臨川南城人童而

欽定全唐文、卷六百七十八 輔頭太師真卿監本道康使楊君憑幸君丹四君子友善 於東林精舍示滅有所故是月丙寅歸於南岡石墳住 修道應無所住故貞元初離我所徙居洪州龍興寺說法 度者萬五千七十二人示生無常故元和十年已亥遷化 神凑建昌惠進五長老交遊佛法屬王臣故與姜相國 親近善知識故與匡山法真天台靈裕荆門法裔暨 力等施尸羅者十有八會救拔羣生故婆娑男女由我得 振禁戒故講四分律而從善遠罪者無其數隨順化緣 甘露壇而誓眾主盟者二十年荷擔大事故前後登 白居易 茜 一與果

者思入室者悲鑪拳之西虎谿之南石塔巍巍有記事 如不及縣是藝松成林琢石為塔塔有碑碑有銘銘 七十七歲安居六十五夏自生至滅隨迹示教行止語 以具實辭書於塔碑 將轉依昔景雲來行道者隨踐迹者歸今景雲去升堂 師景雲之生 非佛事夫施於人也博則反諸已也厚故門人鄉人 滅度後舊蔔香衰醍醐味酶誰反是香誰復是味景雲 唐江州與果寺律大德湊公塔碣銘并序 匡苾獨中與毗尾景雲之減眾將安仰 日 報

即 典論以有餘力通大歷八年制懸經論律三科策試天下 炎主色事文是各次了七十八 臘五十一至乎哉師本行也以精進心脂不退輪以勇健 寺與佛事元和十二年九月七日遺疾二十六日反真十 於鍾陵大寂大師志在首楞嚴經行在四分毗尾藏其他 如來減後後五百歲有持戒見性者曰與果禪師師姓成 月十九日遷全身於寺道北祔雁門墳左春秋七十四夏 神湊京兆藍田人旣出家具戒於南嶽希操大師參禪 師中等得度詔配江州與果寺後從僧望移隸東林寺 雁門遠大師舊道場有甘露壇白蓮池在焉師旣居是 白居易

降伏其威重如是自與果起東林一盂齊一 行禪身持律起居動息皆有常節雖冱寒隆暑風雨黑夜 郡太守門弟子進醫饋樂者數四師領之云報身非 會十三化大眾萬數儀範所攝惠用所誘貴高僧慢問 大衆共之迨故手足目 其精勤 如坐漆室七寶縣是名開檀施來無虚月盡歸寺藏 過無畏鼓故登壇進律鬱為法將者垂三十年領羯磨 鑪秉 如是師旣疾亟四大將壞無戀者念無厭離想 ~ ララコーン 燭行道禮佛者四十五年凡十二時未嘗闕 Ħ 作前無長物其簡儉如是師 楊居衣麻寢 與 27

欽定全唐文《卷六百七十八 然及遷化時子又題四句詩為別蓋欲會前心集後緣也 託為銘碣初予與師相遇如他生舊識一見於合不知其 用是為言訖趺坐恬然就化其了悟如是門人道建利辨 請西方作主人 元審元您等封墳建塔思有以識之以先師當辱與予游 不能改作因取為銘曰 本結菩提香火社共嫌煩惱電泡身不須戀戀從師去先 白居易 美

欽定全唐文卷六百七十九目錄 白居易二十四 唐故會王墓誌銘并序 唐銀青光禄大夫太子少保安定皇甫公墓誌銘 醉吟先生墓誌銘并序 唐太原白氏之獨墓誌銘并序 故滁州刺史贈刑部尚書荣陽鄭公墓誌銘并序 唐揚州倉曹參軍王府君墓誌銘 并序 目录 并序

欽定全唐文、卷六百七十九 唐故武昌軍節度處置等使正議大夫檢校戶部 唐故銀青光禄大夫秘書監曲江縣開國伯贈禮 唐故號州刺史贈禮部尚書崔公墓誌銘并序 部尚書范陽張公墓誌銘并序 書右僕射河南元公墓誌銘并序 尚書別州刺史兼御史大夫賜紫金魚袋贈尚

欽定全唐文 卷六百七十九 白居易 尹王播監視奏事室於萬年縣崇道鄉西趙原禮也是日 宗之孫順宗之子陛下之弟幼有令德早承龍章未冠而 又詔翰林學士白居易為之銘誌故事也王諱纁字某德 之日上皆不舉樂不坐朝恩也越十二月十八日韶京兆 王受封於會夫以祖功宗德之慶父天兄日之貴胙土列 唐元和五年冬十一月四日會王寢疾雖於內邸大小飲 白居易二十四 唐故會王墓誌銘并序

諱某字某五代祖諱某北齊尚書令是為平簡公曾祖諱 桓公而下平的公而上世家婚嗣咸詳於史牒故不書公 藩之龍好德樂善之賢宜乎壽考福延為王室輔嗚呼降 周宣王封母弟桓公於鄭厥後因封命氏為荣陽人鄭自 歲在寅月窮紀萬年縣崇道里會王薨葬於此 故王之處也彰悼之念有加於常情王之葬也遣奠之儀 年不永二十一而終哀哉皇帝厚惇睦之恩深友悌之爱 有加於常數哀榮兼備斯其謂乎銘曰 故滁州刺史贈刑部尚書滎陽鄭公墓誌銘并序

率逝道麾訶不去公忿其犯上立斃六七人採訪使奇之 高等始授郾城尉無何本郡守移他鄉州民有暴悖者相 擊之殺俊犀伽盡殲其黨縣是一邑用寧朝廷美之擢 城尉歷北海時安禄山始亂傳檄郡邑邑民孫俊鄧犀伽 府奏公為節度判官會果坐贓連累僚佐貶光化尉移向 鄭州刺史公即秘書第三子好學攻詞賦進士中第判入 某下邳郡太守王父諱某衛州刺史王为諱某秘書即 歐市人却麋藏以應公時已去秋因奮呼率僚吏子弟急 奏署支使改浚儀主簿轉大理評事兼佐漕務彭果領五 

底定復入為衛尉少卿相國王公籍統河南奏公為副元 載政績大成大歷十二年二月十五日薨於揚州權字 海登沂三州招討使加正議大夫賜紫金魚袋公威惠舊 連有善最詔授檢校司熟郎中兼侍御史充青來登海密 欽定全唐文 卷六百七十九 夫尚書屯田員外郎太子中尤出攝淄州刺史俄換來州 帥判官未幾除祕書少監兼滁州刺史本州團練使居 |州租庸使太尉李公光弼鎮徐州奏公為徐州刺史充 比至部而者山賊的李浩與其徒五千來降縣是三 州司馬尋轉長史累加朝散大夫入為太子左贊善上

也逮放手足卒如其志先是太夫人常寢疾公衣不解髮 欽定全唐文 卷六百七十九 某所享年七十有八公凡七佐軍四領郡旅俸不積滯衣 齡王之浜崔國輔輩聯唱选和名動一時速令著樂詞播 食無常主常嘆曰以飽暖活孀幼以清白貽子孫是吾心 氏贈清河郡太君後夫人博陵崔氏贈博陵郡君生子七 不櫛者彌年侍疾執喪憂毀過禮公尤善五言詩與王昌 京兆累贈至散騎常侍刑部尚書次子微終潤州司馬次 人女七人長子雲達有才名官至刑部侍郎京兆尹公由 一晚賦思舊遊詩百篇亦傳於代前夫人清河崔 白居易

家國多故未克反葬至元和二年月日始遷兆於鄭州新 帰稱薦嚮名教者墓之今為侍御史上柱國滄景節度參 在下位獨侍御史街恤襄事孝備始終見託述誤銘於墓 謀次子方達衡州司士參軍次子震當陽丞次子文弼幽 鄭縣某原附先秘書坐一夫人從焉時京兆已即世諸弟 年淮南節度使本道點防使泉朝賢袁高高參等累以孝 州參軍次子安達率府倉曹參軍公自捐館舍始逾三紀 予公達有至行初公年高就養不仕及居憂廬墓泣血三

謂之有後嗚呼鄭公榮如是哀如是又何不足之有 禄七十八之年斯謂之貴壽內史之顯揚柱史之孝行斯 司馬父諱昇為京兆府咸陽令河南府伊闕令有文行學 生翦翦為秦將軍又三世而生珣珣居太原故今為太原 世禄德門斯謂之可久懿文茂續斯謂之不朽二千石之 生曽祖諱滿官為河南府王屋縣令王父諱大璡為嘉州 とれることには、大いには、 人又十九代而生瓊瓊為後魏僕射諡孝簡公又二代而 公諱某字士寬其先出自周靈王太子晉凡二十一代而 唐揚州倉曹参軍王府君墓誌銘会人作 白居易 7

清白尤異表奏之有部權知餘姚縣令時海冠初珍邑焚 續居多遂奏聞真授永泰中勒遷越府戸曹屬邑有不理 政公冠其首其制邑闢田增戸之續則會稽之牒地官之 田荒公乃營邑室創器用復流庸關畜金凡江南列邑之 者公假領之所至必理大歷中本道觀察使薛兼訓以公 金坛全屋文意光百七十九 縣尉以清幹稱刺史韋之晉知之署本州防禦判官無何 術應制舉對沈謀秘各策登科詩入正聲集公即伊闕第 租庸轉運使元載又知之假本州司倉專掌運務歲終課 三子好學善屬文天寶中應明經舉及第選授婺州義鳥 匹

范陽盧仲通播等號護靈與以永貞元年十月二十五日 書郎昆弟三人不十年而五登甲第時論者榮之一女適 舉對直言極諫策授集賢殿校書郎累遷監察殿中侍御 之貞元二十年十一月十三日疾終於三原縣之官舍享 籍載馬建中初選授揚州倉曹參軍至五年七月二十六 次七年日と一長七十日十七 閣舍人融之姪孫鄭州司戸法界之女婦順母訓中外師 史三原令炎既第未仕起應博學宏詞科選授集賢殿校 年六十二有子曰播曰炎曰起咸以進士舉及第播應制 日疾殁於江都縣之私第春秋六十二夫人清河崔氏鳳 白居易

不展其用者命矣夫古人云有明德大智者若不當世其 生道為命屈名雖聞於天子位不過於陪臣鬱鬱然殁而 之宜乎作王者心督耳目之官以經緯其那家而才為時 其大者又常以經德東哲致君濟人為已任有識者深知 懋言行蓄事業伊道積於躬者在人也踐大官費元化俾 聞行已以清廉聞滋事以幹盡聞如金玉在珮動而有聲 維公受天地之和積為行發為文宣為用故在家以孝友 功加於民者由命也有其人無其命雖聖與賢無可奈何 遷附於京兆府富平縣淳化鄉之其原從吉兆也嗚呼夫 金にたうしまっていて 欽定全唐文、卷六百七十九 族山道光淮水靈長繩繩子孫代有賢良將軍輔秦武功 之具美聚平公之三子乎天其或者殆將肥王氏之家大 後必有餘慶今其將在後嗣乎不然何乃德行政事文學 抑揚孝簡娜魏文德闇彰降及於公實生於唐大智全才 之遺風甚熟故作斯文無隱情無愧辭焉銘曰 為考文之官也又起在選中馬辱與公之三子游而聆公 也與炎同升諸科馬祗命於憲府也與播聯執其簡馬及 王氏之門以甚明報施之道者也其不伎頃對策於王廷 應用無方作採於郡三語有章承乏於邑一同載康展如 白居易

能誦詩賦八歲能讀書鼓琴九歲不幸遇疾天徐州符雜 封颊川縣君知美即第四子也既生而惠既孩而敏七歲 尚衣奉御曾祖諱溫都官郎中王父諱鍠河南府鞏縣令 後嗣其昌 白氏下殤口幼美小字金剛奴其先太原人高祖諱志盖 之人何用不臧宜登大位俾紹前芳嗚呼百鍊之金不鑄 干將十圍之材不作棟梁公亦如之與世不當道不虛行 府君諱季與大理少卿山東别駕先太夫人賴川陳氏 唐太原白氏之殤墓誌銘并序

先生姓白名居易字樂天其先太原人也素將武安君起 嗚呼剛奴痛矣哉念爾九歲逝不迴埋魂賜骨長夜臺一 手足之痛其心如初且號且銘誌於墓曰 宅兆之東三十步其兄居易行簡藐然已孤撫哀臨穴斷 大ビというと、まごすっし 之後高祖諱志善尚衣奉御曾祖諱温檢校都官郎中王 縣私第貞元八年九月權宣於縣南原元和九年春二月 十年後復 一十五日改葬於華州下邽縣義津鄉北問附於先府君 醉吟先生墓誌銘并序 開昔葬符離今下邽魂兮魂兮隨骨來 白居易

中以釋教治其心旁以山水風月歌詩琴酒樂其志前後 卷三姪長日味道盧州巢縣丞次日景回淄州司兵參軍 傅致仕前後歷官二十任食禄四十年外以儒行修其身 好學長工文累進士拔萃制策三科始自校書郎終以少 次曰晦之舉進士樂天無子以姪孫阿新為之後樂天幻 縣主簿弟行簡皇尚書膳部郎中一女適監察御史談宏 陳氏贈賴川郡太夫人妻楊氏宏農郡君兄幼文皇浮 父諱鍠侍御史河南府鞏縣令先大父諱季庚朝奉大夫 金ュノコートラーデュアーナーフ 州别為大理少卿累贈刑部尚書右僕射先大公夫人

終於東都履道里私第春秋七十有五以某年月日葬於 世凡平生所慕所感所得所喪所經所逼所通一事 華州下却縣臨津里北原祔侍御僕射二先瑩也放手足 要三十部合一千一百三十門時人目為白氏六帖行於 於世無益於人褒優之禮宜自貶損我歿當斂以衣 之夕語其妻與姪曰吾之幸也壽過七十官至二品有名 著文集七十卷合三千七百二十首傳於家又著事類集 已上布在文集中開卷而盡可知也故不備書大歷六年 正月二十日生於鄭州新鄭縣東郭宅以會昌六年月日 白居易

多定全 唐文 卷六百七十九 樂天樂天生天地中七十有五年其生也浮雲然其死也 安往而不可又何足厭戀乎其間 委蜕然來何因去何緣吾性不動吾行屢遷已焉已焉 道碑但於墓前立一石刻吾醉吟先生傳一本可矣語記 命筆自銘其墓云 公姓皇甫諱鏞字穌卿始封祖微子也周克殷封於宋 一乘無用鹵薄葬無以血食祭無請太常諡無建神 唐銀青光禄大夫太子少保安定皇甫公墓誌銘 并序

茂林改父為南及漢遷安定朝那其後為朝那人五代祖 史考愉累贈尚書左僕射太子太保此洛陽賈氏贈姑臧 代至戴公戴公之子曰皇父因字命族為皇父氏至秦徒 次七五五七八人とうとして 宣歌觀察推官轉大理評事詔徵授監察御史改秘書郎 郡太夫人公由進士出身補夏陽主簿武左武衛兵曹充 珍義資建二州刺史曾祖文房高陵令祖鄰幾賜汝州刺 郎中河南少尹歷太子左右庶子并分司東都俄又徵 殿中侍御史內供奉始賜朱紱銀印充鳳翔節度判官營 田副使旋又後還具拜殿中改比部員外郎河南命都官 白居易 ٢

全於河陰縣廣武原從太保府君先堂以盧夫人合祔焉 年七十七皇帝廢朝一日是歲十月三日用大葬之禮歸 王諲以開成元年七月十日寢疾薨於東都宣教里第享 夫人皆有淑德先公而殁有二子曰璥曰珧一女適太原 檢校左散騎常侍兼太子賓客轉秘書監分司始加命服 金ケイトコーラコーコ 公自將仕郎界階至銀青光禄大夫自武騎尉累熟至上 正三品又遷太子少保分司封安定縣開國男食邑三百 戸始立家廟亭三世公先娶博陵崔氏後娶范陽盧氏二 國子祭酒未幾謝疾改太子賓客轉秘書監分司又就拜

身痰贈及乎先官品陰乎後大其門肥其家儒者之榮 偉寡言正色人望而故之至於燕遊觴該之間則其貌溫 仲弟居相位操利權也從而附麗者有之公獨超然雖貴 其心以至於考終命聞者墓之謂為達人當憲宗朝公之 洛由是得伊高趣愜吏隱心故前後歷官八九凡二十 然如春其心油然如雲也初元和中公始因郎官分司 闕焉皆求已稽古之力自致耳公為人器宇甚宏衣冠甚 五年優游洛中無西笑意忘懷窮達與道始終澹然不 メルル とこれ こと これ とこここと 國自布衣而佩服金紫自放食而廟饗祖考封爵被 白居易

賢哉少保令聞令儀金璧其操鸞鳳其姿德如斯壽如 告筮從吉土良時封於茲樹於茲嗚呼少保之墓百代 位如斯嗚呼人爵天爵實兼有之廣武之原大河之湄龜 錄誌而銘曰 傅皆同官東朝分務東周在察友問聞之最熟故得以實 善屬文尤工五言七言詩有集十八卷又著性言十四篇 介之勢不能及及仲之失寵得罪也從而緣坐者有之公 金与人生人大多大百七十九 居易辱與公游迨二紀矣自左右废子歷賓客訖於少保 獨 皦然雖骨月之親不能累識者心伏號為偉人公好學

宏愈公之曾祖也領南節度使廣州刺史殿中監諱九阜 遷始徙居於韶之曲江縣後嗣因家焉唐朝贈太常卿諱 知 たらしらしらして 表といいとし 白居易 也監察御史仲孚以下二人公之弟也博陵郡夫人崔氏 太夫人陳氏公之皇妣也都昌令仲端以下四人公之兄 公之王父也贈尚書右僕射諱抗公之皇考也贈顏川郡 公諱仲方字靖之其先范陽人晉司空茂先之後永嘉南 唐故銀青光禄大夫秘書監曲江縣開國伯贈禮 部尚書范陽張公墓誌銘并序

金なくらたうとう 尉郎坊節度使辟為判官奏授監察御史裏行俄而真拜 公之子也監察御史裏行楊解校書郎陸賓虞公之壻也 史中丞徵還為太子賓客再為左散騎常侍京兆尹華州 史河南少尹鄭州刺史入為諫議大夫福建觀察使兼御 **歷殿中轉侍御史倉部員外郎金州刺史度支郎中駮宰** 初補集賢院校書郎丁內憂喪除復補正字選授咸陽縣 相事議出為遂州司馬移復州司馬俄遷刺史改曹州刺 公之夫人也右清道率府胄曹景宣進士茂元明經智周 公即僕射府君第五子貞元中進士舉及第博學選登科

欽定全唐文、卷六百七十九 禮東筆者許之文獻始與公九齡即公之伯祖開元中以 **薨於上都新昌里第詔贈禮部尚書以某年八月某日歸** 儒學詩賦獨步一時及輔弼明皇帝號為賢相餘慶濟 葬於河南府某縣某鄉某原祔僕射府君之封城馬公幼 誤先僕射府君神道碑及丞相文獻始與公廟碑由文得 家察制詔一百卷行於代尤工五言章句詩家流稱之當 好學長善屬文俯取科第如拾地芥著文集三十卷藏於 夫封至曲江縣開國伯食邑七百戸開成二年四月其日 刺史兼御史大夫秘書監勲至上柱國階至銀青光禄大 白居易 王

誤先德見託為文式序且銘勒於墓石銘曰 官二十五享年七十二才如是禄如是壽如是宜哉居易 與公少同官老同游結交慕德久而彌寫故景宣等以 在唐張氏世爲儒宗文獻旣及鬱生我公我公風風學與 宜在於公公沿其業襲其文而不嗣其位惜哉别公為人 溫良沖淡恬然有君子德立朝直清貞諒肅然有正人風 與朋友信籠辱不驚其心喜愠不形於色入仕四十載 在官寬重易簡綽然有長吏體為子弟孝敬為伯父慈和 雄緣情體物有文獻風慶襲於家道積厥躬駿足逸翮 歴

陵谷推遷所不泯者令名藹然 終然允臧已矣歸全嗚呼洛郊北阡印阜西原佳城 選重尹京才難賓於望苑龍在達山凡所踐歷皆有可觀 天驥冥鴻始自筮仕迄於達官六刺藩部再珥貂蟬大諫 欽定全唐文《卷六百七十九 白居易 五代祖宏隋北平太守高祖義端魏州刺史曾祖延景岐 公諱稱字微之河南人六代祖嚴隋兵部尚書封平昌公 唐故武昌軍節度處置等使正議大夫檢校戶部 書右僕射河南元公墓誌銘并序 尚書鄂州刺史兼御史大夫賜紫金魚袋贈尚 堂

使於蜀按任故仲獄得情又劾奏東川帥違詔條過籍稅 太夫人憂哀毀過禮杖不能起服除之明日授監察御史 憲宗召對言及時政執政者疑忌出公為河南尉丁陳畱 策入三等拜左拾遺即日獻教本書數月間上封事六七 太夫人公即僕射府君第四子後魏昭成皇帝十五代孫 明經及第二十四試判入四等署秘省校書二十八應制 也公受天地粹靈生而岐然孩而疑然九歲能屬文十 中舒王府長史贈尚書右僕射此樂陽鄭氏追封陳畱郡 州冬軍祖諱非南頓縣丞贈兵部員外郎考諱寬比部郎 欽定全唐文·卷六百七十九 府不治事命公分臺而董之時有河南尉離局從軍職尹 其後多以公姓字名其子朝廷病東諸侯不奉法東御史 緊人踰年臺府不得知飛龍使匿趙氏亡命奴為養子主 又奏平途山甫等八十八家兔事名動三川三川人墓之 先是不快者乘其便相噪嗾坐公專逞作威點為江陵士 不能止監察使死其枢乘傳入郵郵更不敢詰內園司械 事或奏或劾或移歲餘皆舉正之內外權寵臣無奈何成 不敢言浙右帥封杖决安吉令至死子不敢想凡此數 不快意會河南尹有不如法事公引故事奏而攝之甚急 白居易 占

數召與語知其有輔弼才擢授中書舍人賜紫金魚袋翰 事公既得位方將行已志答君知無何有愈人以飛語構 宗嗣位舊聞公名以膳部員外郎徵用旣至轉祠部郎中 同位詔下按驗無狀上知其誣全大體與同位兩罷之出 林學士承旨尋拜工部侍郎旋守本官同中書門下平章 賜緋魚袋知制誥制誥王言也近代相沿多失於巧俗自 曹掾居四年徙通州司馬又四年移號州長史長慶初移 公下筆俗一變至於雅三變至於典謨時謂得人上嘉之 州刺史始至急吏緩民省事節用歲收羨財干萬以

定税籍越人便之無流庸無逋賦又明年命吏課七郡 行先是明州歲進海物其淡蚶非禮之味尤速壞課其程 父母遮道不可通詔使導呵揮鞭有見血者路闢而後得 史大夫浙東觀察使將去同同之者幼鰥獨泣戀如别慈 補亡戸逋租其餘因弊制事贈上利下者甚多二年改御 各築陂塘春貯雨水夏溉旱苗農人賴之無凶年無餓殍 息局者萬計道路歌舞之明年辨沃瘠察貧富均勞逸以 在越八載政成課高上知之就加禮部尚書降望書慰諭 日馳數百里公至越未下車趙奏罷自越抵京師郵夫獲 ada di de de la deservación de la contraction de 白呂易

多定全唐文 卷六百七十九 道扶龆齓一子曰道護三歲仲兄司農少卿積姪御史臺 僕射加膊贈焉前夫人京兆韋氏懿淑有聞無禄早世生 使在鄂三載其政如越太和五年七月二十二日遇暴疾 主簿某等街哀裹事裴夫人韋氏長女暨諸孤幼等號護 以示旌龍又以尚書左丞徵還旋改戸部尚書鄂岳節度 **唐製以六年七月十二日村葬於成陽縣奉賢鄉洪瀆原** 有輔佐君子之勞封河東郡君生三女曰小迎未笄道衛 一女口仔子適校書郎幸絢今夫人河東裴氏賢明知禮 日费於位春秋五十三上聞之軫悼不視朝贈尚書右

欽定全唐文《卷六百七十九 舜致身伊皐耳抑天不與耶將人不幸耶予當悲公始以 之旨豈止於文章刀筆哉實有心在於安人治國致君堯 白而來歸次以權道濟世變而通之又齟齬而不安居相 之每一章一句出無脛而走疾於珠玉又觀其述作編纂 從先定兆也公著文一百卷題為元氏長慶集又集古今 直躬律人勤而行之則坎壞而不偶滴瘴鄉凡十年髮班 中呼為元才子自六官兩都八方至南蠻東夷國皆寫傳 尤工詩在翰林時穆宗前後索詩數百篇命左右諷詠官 刑政之書三百卷號類集并行於代公凡為文無不臻極 白居易

位僅三月席不媛而罷去通介進退卒不獲心是以法理 嗚呼微之年過知命不謂之夭位兼將相不謂之少然未 遇也執友居易獨知其心以泣濡翰書銘於墓日 周於四海故公之心不足也逢時與不逢時同得位與不 俗监时矣夫心長而運短命矣夫嗚呼微之已矣夫 康吾民未盡吾道在公之心則為不了嗟哉惜哉道廣而 得位同當貴與浮雲同何者時行而道未行身遇而心不 之用止於修一職不布於無官仁義之澤止於惠一方不 唐故號州刺史贈禮部尚書崔公墓誌銘并片

清河博陵二祖故其後稱博陵人曾祖悦洛州司戸多軍 舍人贈太子少師此太原王氏贈晉陽郡太夫人公即少 次定全喜文 长六百七十七 白居易 部駕部員外郎洛陽令密州刺史公旣至密密民之凍餘 出於炎帝至裔孫穆伯受封於崔因而命氏漢初始分為 唐有通四科達三教者曰惟崔公公諱元亮字晦叔其先 郎大理評事朝廷知其才徴投監察轉殿中歷侍御史膳 贈太子少保祖光迪贈費善大夫考抗揚州司馬兼通事 者服恤之疾疫者救療之齿骼未獨者命葬藏之男女過 師季子解褐補秘書省校書即從事宣越二府奏授協律

便之歸如流水朝廷聞其政徵拜刑部郎中謝病不就俄 者官書其數吏緣為姦公旣下車盡焚其籍華息貿易 語詠換飲州刺史其政如密先是飲民畜馬牛而生駒犢 時者趨嫁娶之三月而政立二年而化行密人悦之發於 支公許其計斛納絡賤入貴出官且獲利人皆忘勞農人 無所問先是飲民居山險而輸稅米者擔負跋涉勤苦不 饑罷氓賴之如依父母入為秘書少監改曹州刺史兼御 **もクベノニショニ** 改湖州刺史政如密歙加之以聚羨財而代逋租則人 困謹茶法以防點吏則人不苦修提塘以防早歲則人

次記を与としたというとして 罪疑惟輕實公之力旣而真拜因旌忠臣繇是正氣直聲 震耀朝右指紳者質皆回國有人馬國有人焉公以爲名 在途拜太子賓客分司東都公濟源有田洛下有宅勸誨 極言是非血淚盈襟詞竟不屈上意稍悟容而聽之卒使 大獄人心惴駭勢連中外衆以為冤百辟在延無敢言者 行職舉上召對加金紫以獎之假貂蟬以龍之未幾朝有 史中丞謝病不就拜太常少卿遷諫議大夫屢上封章 不可多取退不必待年决就長告徑遵歸路朝廷不得已 公獨進及雷危言觸鱗天威赫然連叱不去遂置笏伏陛 白居易

送終之事務從儉薄保家之道無忘孝悌吾玉磬琴畱别 年七月十一日遇疾费於號州解舍天子廢朝一日贈禮 號 年六十六不為無壽官至三品不為不達死生定分何足 爱公兼有焉嗚呼公之將終也遺誠諸子其書大畧云吾 過哀自天實以還山東士人皆改葬兩京利於便近唯吾 部尚書周行士林聞者相吊宗族交友靡不出涕遺直遺 子弟招邀蜜朋以山水琴酒自娱有終焉之志無何又除 金にとうとううえてはイーフ 族至今不遷我殁宜歸全於滏陽先塋正首印之義也 州刺史蓋執政者惜其去將欲馴致而復用之太和七

樂天請為墓誌云爾夫人范陽盧氏先公而殁有子九 地早濕泣血即苦者三載因病與其兩股馬遠於終身竟 其下皆幼稚煜等哀毀孝敬號護鶇婴以九年四月二十 長曰煜通事舍人次曰勢言罕言舉進士次曰緩中年尉 次至全事文 卷六百七十七 白居易 死無所歸孤無所依者公或葬之祭之或衣之食之或婚 夫人而合祔焉遵理命也公之丁少師憂也退居高郵其 **煜護喪歸葬後命幼子聽繼絕承祧自宗族及朋執間有** 不能超拜從祖弟仁亮寫謫巴南殁而無後公先命長男 八日用大葬之禮歸室於磁州昭義縣磁邑鄉北原遷盧

者許之可不謂文學乎公之典密象湖也理化如彼可 舉進士登甲科以書判調天官入上等前後者文集凡若 歲修三元道齊輒有彩雲靈鶴週翔壇上久之而去前後 體顏色冰清玉溫未識者望之如神仙中人也在湖三歲 慕黄老之術齋心受蘇服氣錬形暑不流汗冬不挾續膚 交遊服其義可不謂德行乎公幼皆學長善屬文以辭賦 之嫁之侯齊二家之類是也故閨門稱其孝羣從仰其仁 謂政事乎居大諫騎省也忠讜如此可不謂言語乎公夙 干卷尤工五言七言詩警策之篇多在人口其餘者述作

以不二為法門每遇僧徒輒論真論雖者年宿德皆心伏可不謂通於大道乎公之晚年又師六祖以無相為心地 置齊七八而鶴來儀者凡三百六十其內修外感也如 為客今歸去大思元年是我家其解空得証也又如此可 之及易實之夕大怖將至如入三昧恬然自安仍於遺疏 遺札託為斯文且慚鄙陋不敢辭讓銘曰 之末手筆題云蹔榮蹔悴敲石火即空即色眼生花許時 易不伎辱與公游者三十餘年年老分深定為執友况奉 不謂達於佛性乎總而言之故曰通四科達三教者也居 白居易 -

					Adversion on the	dineral administration	analikaksi dines	na Navara Glassy	
	j						🖑	滏水之陽鼓山之下吉日吉土載封載樹嗚呼	孿
	ļ						墓	水	多定全唐文 光六百七十九
								2	全
							:	陽	唐
			1					鼓	文
		Ì						山	
							Ì	之	港
			<u>.</u>			,		下	否
								吉	丰
					i			且	引
				,				吉	
						- 4		王	<u> </u>
								載	· /
	•						,	排	
N				:				載	
					.:			樹	
				·				鳴	
H					,			RF	三
				•			ļ	塘	
								强	
					, ;			屋	
	1							作一开	
<u> </u>						<u> </u>		石	